

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 530 del 12/03/2024

Traduzione in ladino

Un an de ‘Mondo Trentino Village’

[Ladino] Cognoscer i trentins che stèsc fora per l mond e sia stories, poder se baratèr ideas e consèes de utol per chi che stèsc a la foresta, spartir esperienzes, meter a jir dessema na atività, poder se emprevaler de la oportunitèdes, endrezèr n viac, aer responetes, tor pèrt a n laboratorie de scrittura internazionèla, meter a jir colaboracions co la cèvenes dal vin ‘trentines’ de dut l mond: per dut chest e trop de più l é l ‘Mondo Trentino Village’, la piataforma social, scempia e ascorta, che da n an en ca la é online e tel davegnir la sporjarà outra oportunitèdes, portèdes dant ence da chi che tol pèrt.

L é encomai più che 900 i ‘abitanc’ de chest paisc virtuèl che l é n lech olache chi che se sent trentin fora per l mond pel se scontrèr, se bartèr e spartir ideas.

Con chesta piataforma se vel tor ite apontin e coleèr en rei i trentins e sie descendenc trentins, che vif a la foresta, tel Trentin o tel rest de la Tèlia.

De la community, che la sporc na fenestra de valuta orida sul mond metuda adum ence da informazions e projec, fèsc pèrt persones con enteresc, esperienzes e profescions desferenetes ma leèdes da la voa de aer n contat col Trentin e la comunaza trentina.

La piataforma, pissèda da la Unità de miscion scempia Coejion teritorièla e valorisazion del capital sozièl trentin a la foresta, la struttura che laora fora e realisea la politiches e i endrec de projec de la Provincia Autonoma de Trent a favor de trentins che stèsc a la foresta e de sie descendenc, la é stata metuda a jir aldò de na coprojetazion a chela che à tout pèrt la Sociazion Trentins tel Mond e la Union Families Trentines a la Foresta.

Se scriver ite a <https://mondotrentinovillage.it/> l é dalbon sorì. Bèsta pech: l é assà scriver ite l inom e l cognom, se cerner l profil e se coleèr con duc chi che fèsc pèrt del ‘Mondo Trentino Village’.

Traduzion di Servijes Linguistics e Culturèi del Comun general de Fascia

(cdt)